

OD DUNAVA DO VARDARA

BANJA KOVILJAČA

Glasovita Banja Koviljača (125 m), čuvena sa svoje romantičnosti, nalazi se u Drinskoj banovini, na desnoj obali Drine, 6 km jugozapadno od mjesta Loznice na podnožju visa Gučeva (708 m), koji je postao čuven u historiji svjetskoga rata. Najkraća je veza željeznicom od Beograda i Zagreba preko Rume—Klenka, a zatim od Šapca do Banje Koviljače uskim kolosjekom. Veoma je ugodna vožnja brodom od Beograda do Šapca, glasovitoga historijskog mjesta, koje je osnovao sultan Mehmed II god. 1470. Matija Korvin ga je osvojio i srušio, ali ga Turci opet osvojili, te je konačno 1867. g. bio sravnjen sa zemljom. Šabac se početkom 19 vijeka proslavio krvavim bojevima srpskih ustaša i boraca za oslobođenje od Turaka. Danas je Šabac episkopsko sjedište, ima razvijenu industriju, naročito mlinarsku i kožarsku, te je trgovачko i kulturno središte Mačve.

U Banju Koviljaču vode redovni paštanski automobili iz Beograda, Valjeva, Bijeljine i Sarajeva.

*Banja
Koviljača
Lječilišni dom
Maison de cure
Kurhaus*

